

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 16 del 03/01/2025

**Na strèda più lèria e n marciapé da duta does la mans del pènt de gra ai lurieres da 1.427.449,02 euro.
La strèda per jir a pe e co la roda per no cogner passèr via stradon**

Sèn Jan, en apalt i lurieres per fèr su da nef l “Pont de Lejia” su la SS 48

[Ladino] L’ Agenzia provinzièla per i apalc e i contrac l’ à metù fora su Contracta la garejèda per i lurieres per comedèr e fèr su da nef l “Pont de Lejia”, l pènt sul stardon 48 de la Dolomites che colea i paijes de Soraga e Vich, tel teritorie del Comun de Sèn Jan. L intervent, per na suma a basa de encant de 1.427.449,02 euro (lascià fora la SVE), l perveit n miorament de duta l’ infrastrutura. N projet che vegn ca, descheche despiega l president de la Provinzia autonoma de Trent Maurizio Fugatti, da na priorità palesèda dal teritorie. “Se trata de na opera spetèda èrs da la comunanza – sotrissea l president – che respon ai besegnes di sentadins per na maor segurezza per chest toch de strèda te Fascia. L projet lurà fora dai tecnics provinzièi, con chel che l’ aministrazion locala la é a una, l dajarà de fat maor segurezza a la jent, a scomenzèr per ejempie da chi che va a pe co la previjion de fèr n marciapé su duta does la mans de la strèda”.

L projet (Opera n. S-955 de la Provinzia), de chel che se cruzia l’ Agenzia provinzièla per la operes publiches, l perveit de fèr na neva soleta de peton che poja sun doi files de micropèi che à la funzion de sepona sun cheles che vegn desiarià tant l peis del pènt che la outra cèries azidentèles. La strèda la vegnarà slarièda e la sarà lèria 8 metres, con n marciapé da 1,80 metres da duta does la mans de la strèda, con na protezion aldò per arsegurèr maor segurezza a la jent che fèsc spazirèdes e raides sul percors.

Pervedù amò apede de fèr su n toch de strèda per jir a pe e co la roda, lonch 100 metres e lèrch 2,5, enlongiajà l Ruf de Pantl (ruf che passa apede Gejia), che passa via stradon sot l pian de la strèda. Vegn schivà coscita interferenzes col trafich, stravardan chi che va co la roda e la jent che va a pe enlongia ruf.

“Lurieres per comedèr e fèr su da nef l Pont de Lejia su la S.S. 48 de la Dolomites (Opera n. S-955)”

Responsabol del prozediment: enj. Carlo Benigni

Projetist: enj. Fabio Ganz

Coordenador de la segurezza te la fasa de projetazion: enj. Fabio Ganz

Suma per i lurieres a basa de encant: 1.427.449,02 euro (lascià fora la SVE)

Termin per la firmes envièdes per portèr dant sia perferida: ai 6 de firé del 2025 da les 12

Pruma sentèda de garejèda: Ai 6 de firé del 2025 da les 14:30

Traduzion di Servijes Linguistics e Culturèi del Comun general de Fascia

(cdt)